

১১. জালা-কুঁজো সংবাদ



ছাত্রছাত্রীরা ছন্দ মিলিয়ে পড়তে শিখবে। এটি একটি মজার কবিতা তাই ছাত্রছাত্রীরা এই কবিতাটি পড়ে খুব আনন্দ পাবে।

পেটমোটা জালা কয়, ‘হেসে আমি মরি রে
কুঁজো তোর হেন গলা এতটুকু শরীরে।’


কুঁজো কয়, ‘কথা কস্ আপনাকে না চিনে,
ভুঁড়িখানা দেখে তোর কেঁদে আর বাঁচিনে।’

জালা কয়, ‘সাগরের মাপে গড়া বপুখান,
ডুবুরিরা কত তোলে তবু জল অফুরান।’

কুঁজো কয়, ‘ভালো কথা! তবে যদি দৈবে,
ভুঁড়ি যায় ভেস্তিয়ে, জল কোথা রাইবে?


‘নিজ কথা ভুলে যাস্?’ জালা কয় গর্জে,
‘ঘাড়ে ধরে হেঁট ক’রে জল নেয় তোর যে!’

কুঁজো কয়, ‘নিজ পায়ে তবু খাড়া রাই তো—
বিঁড়ে বিনে কুপোকাঙ, তেজ তোর ঐ তো!’



সুকুমার রায়ের কবিতা স্বন্ধে
ছেলেমেয়েদের অবহিত
করুন। এই পাঠটির শেষে
কিছু মজার কবিতা তাদের
পড়ে শোনান।

সুকুমার রায়



জেনে রাখ

কবিতায় যা পড়লে: কার কত দোষ, কত গুণ, তাই নিয়ে জালা আর কুঁজো ঝগড়া করছে। দুটো মাটির পাত্রেই জল রাখা হয়। জালা আকারে বেঁটে, তার পেটটা মোটা তাই জল বেশি ধরে। কুঁজোর পেট ছোটো ও গলা খুব বেশি সরু ও লম্বা। জলও কম ধরে। তাই জালা ঠাট্টা করছে, কুঁজোর ছোটো শরীরে অতবড় গলা দেখে তার হাসি পায়। উত্তরে কুঁজো বলে, জালার বড়ো ভুঁড়ি দেখে তারও কান্না পায়। জালা তখন বলে, তার পেট অত বড়ো বলেই অনেক জল বের করে নিলেও খালি হয় না। কুঁজো বলে, জালার পেট ফেটে গেলেই জল বেরিয়ে যাবে। তখন জালা বলে, লোকে কুঁজো কাং করে জল নেয়। তাই কুঁজোকে বার বার মাথা হেঁট করতে হয়। তাই শুনে কুঁজো বলে তবু সে নিজের পায়ে দাঁড়িয়ে থাকতে পারে কিন্তু বিঁড়ের ওপর না রাখলে জালা কাং হয়ে গড়িয়ে পড়বে।

শব্দের অর্থ

জালা-মাটির বড়ো পাত্র, মাঝখানটা চওড়া।

তলাটা চ্যাপ্টা নয় বলে বিঁড়ের ওপর রাখতে হয়

কুঁজো-সরু লম্বা গলা-ওয়ালা জল রাখার মাটির পাত্র

হেন-এই রকম

কথা কস্মি-কথা বলিস

‘কেঁদে আর বাঁচিনে’- ঠাট্টা করে বলছে। ‘কেঁদে’ মানে, এখানে সত্যি সত্যি কান্না নয়

‘সাগরের মাপে গড়া বপুখানে’-বপু মানে শরীর। জালায় অনেক জল ধরে, তাই

নিজেকে সাগরের সঙ্গে তুলনা করছে

অফুরান-যা ফুরোয় না

ডুবুরি-যে জলে ডুব দিয়ে কোনো কিছু তুলে আনে দৈবে-হঠাত

ভেস্তিয়ে-ফেঁসে বা ভেঙে যাওয়া

রহিবে-থাকবে

গর্জে-গর্জন বা চিৎকার করে

‘ঘাড়ে ধরে হেঁট করে’-কুঁজো থেকে জল নেবার সময় তার গলা ধরে কাং করতে হয়

খাড়া-সোজা হয়ে দাঁড়ানো

তেজ-রাগ

বিঁড়ে-খড় বা দড়ি পাকিয়ে তৈরি করা গোলমতো একটা জিনিস

কট্টা শেখা হল

১. প্রশ্নগুলির উত্তর দাও।

ক) কবিতাটা কাদের নিয়ে?

খ) জালা আর কুঁজো কী নিয়ে ঝগড়া করছে?